



Халқ сўзи

2020 йил — ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2020 йил 18 декабрь, № 267 (7769)

Жума

Сайтимизга ўтishi учун QR-кодini телефонингиз орқали сканер қилинг.



Ўзбекистон Республикаси Президентининг
ҚАРОРИ

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ ЙИЛЛИК БАЙРАМИГА ТАЙЁРГАРЛИК КЎРИШ ВА УНИ ЮҚОРИ САВИЯДА ЎТКАЗИШ ТЎҒРИСИДА

Маълумки, 2021 йилда халқимиз неча юз йиллик тарихи давомида орзу қилиб, интилиб яшаган ва XX аср сўнггида эришган, мамлакатимиз ҳаёти ва тақдирда туб бурилиш ясаган, том маънодаги буюк, оламшумул воқеа — Ўзбекистон Республикаси давлат мустақиллиги эълон қилинганига ўттиз йил тўлади.

Мустақиллик йилларида кўп миллатли Ўзбекистон халқи ўзининг буюк салоҳияти, мустаҳкам иродаси ва матонатини намоён этди, огир синов ва машаққатларни мардона энгиб, катта тараққиёт йўлини босиб ўтди.

Юртимиз илгариги иқтисодиёти бир томонлама шаклланган, қолюқ республикадан барча соҳаларда жадал ривожланиб, фуқароларнинг ҳаёт даражаси, сиёсий-ижтимоий фаоллиги, онгу тафаккури тобора юксалиб бораётган, жаҳон ҳамжамиятининг тенг ҳуқуқли аъзоси сифатида узок-яқиндаги барча мамлакатлар билан дўстлик ва ҳамкорлик муносабатларини кенг миқёсда олиб бораётган замонавий, очик ва демократик давлатга айланди.

Сўнгги йилларда амалга оширилган ислохотларимиз натижасида, айниқса, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини ҳаётга жорий этиш асосида мамлакатимизнинг сиёсий, ҳуқуқий, ижтимоий-иқтисодий, маънавий-маърифий ҳаётини тубдан янгилаш, **“Миллий тикланишдан — миллий юксалиш сари”** ғоясини реал воқеликка айлантириш борасида салмоқли ютуқлар қўлга киритилмоқда.

Жаҳон миқёсида давом этаётган коронавирус пандемияси ва иқтисодий инқирозга, шунингдек, бошқа турли таҳдид ва хатарларга қарамастан, халқимизнинг мустақил тараққиёт йўлидаги амалий ҳаракатлари изчил давом этирилмоқда.

Жамиятимизда тинчлик ва барқарорлик, фуқаролар ва миллатлараро ҳамжиҳатлик муҳити мустаҳкамланмоқда. Янги Ўзбекистонни барпо

этиш мақсадида кенг қўламли ислохотлар, ҳаётимизнинг барча жабҳаларини эркинлаштириш, иқтисодиёт ва унинг тармоқларини, хусусий тадбиркорликни жадал ривожлантириш борасида катта ўзгаришлар амалга оширилмоқда. Жумладан, аҳолининг ижтимоий ҳимояга муҳтож қатламини ҳар томонлама қўллаб-қувватлаш, камбағалликни қисқартириш, янги иш ўринлари ва даромад манбаларини яратишга алоҳида эътибор қаратилмоқда.

Ўзбекистон Республикаси давлат мустақиллигининг ўттиз йиллиги босиб ўтган ривожланиш йўлимизни сарҳисоб қилиш, мамлакатимизда амалга оширилаётган янгиланиш жараёнларини чуқур таҳлил қилиш орқали олдимизда турган устувор вазифа — Ўзбекистоннинг янги тараққиёт даври учун пойдевор қратишга қаратилган савй-ҳаракатларимизни янада кучайтиришда ғоят муҳим аҳамият касб этади.

Мамлакатимиз мустақиллигининг улкан сиёсий, тарихий ва маънавий-маърифий аҳамиятини инобатга олиб, истиқлол йўлининг асосий мақсад ва вазифаларини янги босқичда оғишмай, самарали давом эттириш, бу қўлугу санани давлатимиз ва жамиятимизнинг бугунги тараққиёт даражаси, халқро майдондаги обрў-эътиборига муносиб юксак савидага, умумхалқ байрами сифатида кенг нишонлаш мақсадида:

1. Ўзбекистон Республикаси давлат мустақиллигининг ўттиз йиллик байрамига тайёргарлик қўриш ва уни юқори савияда ўтказиш бўйича республика комиссияси (кейинги ўринларда — Республика комиссияси) ташкил қилисин ва унинг таркиби иловага мувофиқ тасдиқлансин.

2. Республика комиссияси бир ҳафта муддатда қуйидаги устувор йўналишларни атрофича ёритишга алоҳида эътибор қаратган ҳолда **“Янги Ўзбекистонда эркин ва фаровон яшайлик!”** ғоясини ўзида муҳассам этган ташкилий-амалий, маънавий-маърифий ҳамда тарғибот-ташвиқот

тадбирлари дастурий (кейинги ўринларда — Дастур) тасдиқласин:

жамиятда қонун устуворлиги ва судларнинг мустақиллигини таъминлаш, ҳуқуқни муҳофаза қилувчи идоралар раҳбарларининг вакиллик органлари ва жамоатчилик олдида ҳисобот бериш тизимининг йўлга қўйилгани, фуқароларнинг ҳуқуқ ва эркинликларини ишончли ҳимоя қилиш борасида амалга оширилаётган туб ислохотлар; мамлакатимизни модернизация қилиш, давлат ва жамият бошқаруви тизимининг сифати ва самарасини янада ошириш, коррупцияга қарши курашиш, фуқаролик жамияти институтлари ҳамда оммавий ахборот воситалари ролини кучайтиришга қаратилган кенг қўламли ишлар;

“Инсон манфаатлари — ҳамма нарсадан устун” ва “Халқ давлат идораларига эмас, давлат идоралари халқимизга хизмат қилиши керак” тамойиллари асосида фуқароларнинг ижтимоий муаммоларини ҳал этиш, ҳуқуқ ва қонуний манфаатларини таъминлаш бўйича эришилаётган натижалар;

иқтисодиётни либераллаштириш, иқтисодиёт тармоқларига маъмурий таъсирларни қисқартириш, рақамли иқтисодиётни жорий этиш, хусусий мулк ҳуқуқини ҳимоя қилиш ва унинг устувор макеини кучайтириш, валюта бозорини эркинлаштириш, ҳудудларни ижтимоий-иқтисодий жиҳатдан комплекс ривожлантириш дастурлари, камбағалликни қисқартириш бўйича белгиланган вазифалар ижроси;

“Халқ бой бўлса, давлат ҳам бой ва қудратли бўлади” тамойилини ҳаётга жорий этиш орқали аҳолини тадбиркорликка кенг жалб этиш, бизнес юритиш шартларини енгиллаштириш, оилавий тадбиркорлик ва касаначилик, ҳунармандчиликни рағбатлантириш учун яратилган янги имкониятлар; “Обод қишлоқ”, “Обод маҳалла”, “Беш муҳим ташаббус”, “Бир миллион дастурчи” каби ижтимоий лойиҳаларнинг жорий этилиши, аҳоли бандлигини таъминлаш, унинг реал даромадларини изчил

ошириб бориш, таълим-тарбия, илм-фан, маданият, санъат ва адабиёт, спорт соҳаларини тубдан ривожлантириш;

жамиятда хотин-қизларнинг ўрни ва нуфузини, ижтимоий-сиёсий фаоллигини ошириш, уларнинг ҳуқуқ ва манфаатларини таъминлаш, оила, оналик ва болаликни ҳар томонлама ҳимоя қилиш, ёш қизларнинг замонавий билим ва касб-хунарларни эгаллаши учун кўмак ва ёрдам бериш, тадбиркор аёлларни молиявий қўллаб-қувватлаш борасидаги ишлар;

ёшларга оид давлат сиёсатини самарали олиб бориш, жумладан, ёшларнинг таълим олиш имкониятларини кенгайтириш, уларни муносиб иш билан таъминлаш, меҳнат бозорига талаб юқори бўлган касб-хунарларга тайёрлаш, ёш тадбиркорларни давлат томонидан қўллаб-қувватлаш бўйича амалга оширилаётган дастурлар; аҳолини тураржой билан таъминлаш, хусусан, намунавий лойиҳалар асосида арзон уй-жойлар ва инфратузилма тармоқларини барпо этиш, кекса авлод вакилларини, ёш оилаларни ҳар томонлама қўллаб-қувватлаш, ёрдам ва кўмакка муҳтож фуқароларни ижтимоий ҳимоя қилиш борасидаги ишлар;

буюк аждодларимизнинг бой илмий ва маънавий меросини ўрганиш ва кенг тарғиб қилиш, Ўзбекистоннинг янги тараққиёт даври пойдеворини барпо этиш борасида белгилаб берилган узок муддатли стратегик вазифалар доирасида миллий ғояни ривожлантириш, жумладан, давлат тилининг ўрни ва нуфузини оширишга қаратилган амалий ҳаракатлар;

халқимизнинг дунёқараши, сиёсий онги ва тафаккури, ҳаётга ва меҳнатга муносабати ўзгариб, ижтимоий муаммоларни ҳал этишда давлат ва фуқаролик институтлари ўртасидаги самарали ҳамкорликни кенгайтириш борасида амалга оширилаётган ишлар;

(Давоми 2-бетда).



Бугун бир ҳақиқатни катта гурур ва ифтихор билан айтишга тўла асосимиз бор: мард ва матонатли халқимиз қанчалик қийин ва огир синовларга дуч келмасин, ўзининг мустаҳкам иродасини намоён этиб, ўзи танлаб олган мустақиллик йўлига доимо содиқ бўлиб келмоқда.

Шавкат МИРЗИЁЕВ

«ЯНГИ ЎЗБЕКИСТОНДА ЭРКИН ВА ФАРОВОН ЯШАЙЛИК!»

ЎЗБЕКИСТОН РЕСПУБЛИКАСИ ДАВЛАТ
МУСТАҚИЛЛИГИНИНГ ЎТТИЗ ЙИЛЛИК БАЙРАМИ
АНА ШУ ҲОЯ АСОСИДА КЕНГ НИШОНЛАНАДИ.

■ Акс садо

Ҳеч эътибор берганмисиз, эндигина тетапоя қилаётган гўдак йиқилиб-сурилса-да, ҳеч кимнинг ёрдамисиз ўзи ҳаракат қилишга интилади. Инсон боласи ҳали англаб улгурмаган, аммо беихтиёр талпинаётган бу ҳис мустақиллик, ўз тақдирини ўзи ҳал қилиш ҳуқуқидир.

Хурлик ва эркинлик инсонга Яратган томонидан берилган энг улуғ неъматлардан бири, аслида. Бироқ бу неъмат кимгадир насиб этган, кимгадир эса йўқ.

Биз учун ҳам мустақиллик аср-

лар давомида орзу эди. Бунинг учун қанчадан-қанча қурбонлар берилди. Лекин эркинлик, озодлик йўлидан асло ортга қайтилмади. Ниҳоят, ўтган асрнинг охириги ўн йиллигида бу асрий орзу рўёбга чиқди. Ўзбекистон Республикаси давлат мустақиллиги эълон қилинди. Шундан буён халқимиз бу улуғ неъматни кўз қорачиғидек асраб-авайлаб, мустаҳкамлаб келмоқда.

2021 йилда мамлакатимиз ҳаёти ва тарихидаги том маънодаги буюк, оламшумул воқеа — Ватанимиз мустақиллиги эълон қилинганига 30 йил тўлади.



■ Тақдимот

ЗАМОНАВИЙ ЛОКОМОТИВЛАР ОЛИБ КЕЛИНДИ



Ўзбекистонга Хитой Халқ Республикасидан 4 та замонавий ва юқори қувватга эга бўлган юк ҳамда йўловчи локомотиви олиб келинди. Тошкент марказий вокзалида шу муносабат билан ташкил этилган тақдиримда “Ўзбекистон темир йўллари” АЖ раҳбарияти, Хитой корхонаси мутахассислари, соҳа ходимлари, маҳаллий ва хорижий оммавий ахборот воситалари вакиллари қатнашди.

Осиё тараққиёт банки иштирокида “Локомотивларни сотиб олиш йўли билан локомотивлар паркинги янгилаш” лойиҳаси доирасида мамлакатимизга жами 30 та замонавий электровоз ва улар учун керакли бўлган эҳтиёт қисмларни олиб келиш режалаштирилган.

Янги локомотивлар йўловчилар ва юкларни ташини учун мўлжалланган бўлиб, мураккаб тоғли ҳудудларда ҳам ҳаракатланиш имкониятига эга. Электровозлар экологик хавфсизлик жиҳатидан халқро талабларга тўлиқ жавоб беради. Уларда қўлланиладиган замонавий технологиялар электр энергиясини тежаш билан бирга, ёқилғи сарфини камайтириш имконини беради.

Президентимиз 2015 йил 6 мартдаги “2015 — 2019 йиллар учун муҳандислик-коммуникация ва йўл-транспорт инфратузилмасини ривожлантириш ва замонавийлаштириш дастури тўғрисида”ги қарори билан “Локомотивлар паркига 24 дона локомотив сотиб олиш йўли билан янгилаш” лойиҳасини амалга ошириш кўзда тутилган. Вазирлар Маҳкамаси томонидан Осиё тараққиёт банки маблағларини жалб қилиш билан Ўзбекистон Республикаси ва Осиё тараққиёт банки ўртасидаги ҳамкорлик дастури доирасида “Локомотив паркинги янгилаш” лойиҳасини амалга ошириш маъқулланди.



Сенатнинг ялпи мажлиси олдида

ИСЛОҲОТЛАР МУВАФФАҚИЯТИ НОРМА ИЖОДКОРЛИГИ ЖАРАЁНИ СИФАТИГА БОҒЛИҚ

Сенатнинг бугун бўлиб ўтадиган ўнинчи ялпи мажлисида Ўзбекистон Республикаси адлия вазирининг давлат органлари ва ташкилотларининг норма ижодкорлиги фаолияти ва ҳуқуқни қўллаш амалиётининг ҳолати тўғрисидаги ахборотини эшитиш ҳам режалаштирилган. Бундан қўзланган мақсад-муддао ўз-ўзидан тушунарли. Негаки, олиб борилаётган ислохотлар муваффақияти қонунчилик базаси нечоғли шакллангани, шунингдек, норма ижодкорлиги жараёнлари сифатига бевосита боғлиқ.

Дарҳақиқат, бугунги шиддатли замон тизимли муаммоларга тезкорлик билан муносабат билдиришни талаб этаётгани ҳеч кимга сир эмас. Аммо норма ижодкорлиги ёндашуви жараёнида қонун ҳужжатларининг иқтисодиёт тармоқларига таъсирини баҳолаш зарурати ҳисобга олинмагани натижасида фуқаролар ҳаётини яхшилашда ва фаровонлигини таъминлашда тўсиқлар учрамоқда.

Қолаверса, умумий характерга эга қонунлар қўллиги, уларни амалга ошириш механизми йўқлиги давлат ва жамият ривожига салбий таъсир кўрсатмоқда, яъни ижтимоий муносабатларни асосан қонун-ости ҳужжатлари билан тартибга солишга тўғри келяпти.

Шу муаммоларни чуқур ўрганиш ва ҳал этиш мақсадида кўмитамиз томонидан тегишли вазирлик ва идоралар вакиллари иштирокида Адлия вазир-

лигида ўтказилган йиғилишда вазирлиқнинг ахбороти эшитилиб, унда 2020 йил давомида давлат органлари томонидан норма ижодкорлиги ҳамда ҳуқуқни қўллаш амалиётида ба-жарилган ишлар ҳамда йўл қўйилган тизимли камчиликлар муҳокама қилинган эди. Тўғри, сўнгги йилларда норма ижодкорлиги борасида қатор ислохотлар амалга оширилмоқда. Масалан, аҳоли ва давлат хизматчиларининг ҳуқуқий онги ва маданиятини ўстириш, қонун ижрочиларига ҳужжатлар ва уларнинг моҳиятини тўғри етказиш, бу борада давлат органларининг ўзаро ҳамкорлик тизимини тақомиллаштириш ишлари изчиллик билан давом эттирилмоқда. Айниқса, ҳозирги пандемия даврида қонун ҳужжатларига оғишмай, беҳато амал қилиш чоралари қўйилляпти.



■ Бугуннинг гапи

КАМЧИЛИКЛАР АЙНАН МАВСУМДА КЎЗГА ТАШЛАНМОҚДА

► Бунинг сабаблари нимада?

Ҳар сафар куз-қиш мавсумига қанчалик пухта ҳозирлик қўрмайлик, барибир қор-ёмғирли кунларда камчиликлар кўзга ташланаверади. Гоҳ у, гоҳ бу ҳудудда газ ёки чироқ ўчаверади. Иссиқлик таъминотида узилишлар қўлаяди. Ҳеч ўйлаб қўрганмисиз, нима учун шундай?



Ўзбекистон Республикаси Президентининг
ҚАРОРИ

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ
ЎТТИЗ ЙИЛЛИК БАЙРАМИГА ТАЙЁРГАРЛИК КЎРИШ ВА
УНИ ЮҚОРИ САВИЯДА ЎТКАЗИШ ТЎҒРИСИДА

◀(Давоми. Бошланиши 1-бетда).

жамиятимизда тинчлик ва барқарорлик, миллатлараро тотувлик ва диний бағрикенгликни таъминлаш, чет эллардаги фуқароларимизнинг ҳуқуқ ва манфаатларини ҳимоя қилиш, ўзаро манфаатли ва амалий ташқи сиёсат юритиш, қўшни мамлакатлар билан дўстлик ҳамда ҳамкорлик муносабатларининг тубдан яхшилангани, минтакавий ва халқаро муаммоларни биргаликда ҳал этиш сазй-ҳаракатлари;

мамлакатимизда диний-маърифий соҳага берилаётган катта эътибор, хусусан Ўзбекистон ташаббуси билан Бирлашган Миллатлар Ташкилотининг “Маърифат ва диний бағрикенглик” резолюцияси қабул қилингани, Ислом цивилизацияси маркази, Имом Бухорий, Имом Термизий, Имом Мотуридий халқаро илмий-тадқиқот марказлари, Ўзбекистон халқаро ислом академияси, ҳадис ва калом мактабларини ташкил этиш билан боғлиқ амалий ишлар;

халқимизнинг тинч ва осойишта ҳаётини ишончли таъминлаш мақсадида Қуролли Кучлар тизимида олиб борилаётган кенг миқёсдаги ислохотлар, жумладан, миллий армияни модернизация қилиш, ҳарбий санонат комплексини яратиш, ҳарбий таълим тизими ва ҳуқуқ-тартибот органилари фаолиятини такомиллаштириш билан боғлиқ улкан ўзгаришлар;

жаҳон миқёсида турли қарама-қаршилик ва зиддиятлар тобора кескин тус олиб, экстремизм, терроризм, наркотрафик, одам савдоси, глобал пандемия каби таҳдидлар кучайиб бораётган бугунги таҳликали замонда ҳаётнинг ўзи талаб қилаётган мезонлар асосида доимо оғох ва ҳушёр бўлиб яшаш, ёшларни миллий ва умуминсоний қадриятлар руҳида тарбиялаш бўйича амалга оширилаётган муҳим ишлар.

3. Республика комиссияси (А.Н.Арипов):

Мустақуллик байрамига тайёргарлик кўриш ишлари ва Дастурда белгиланган чора-тадбирларнинг амалга оширилиши юзасидан ҳар бир ҳудуд, вазирлик ва идора раҳбарининг фаолиятини мувофиқлаштириб босин;

жойларда таниқли олимлар, ижодкор зиёлилар ва жамоат ташкилотлари вакиллари билан аҳолининг кенг қатламлари ўртасида маданий-маърифий тадбирлар ва бадий кечалар ўтказилишини таъминласин;

«ЯНГИ ЎЗБЕКИСТОНДА ЭРКИН ВА
ФАРОВОН ЯШАЙЛИК!»

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ
ЎТТИЗ ЙИЛЛИК БАЙРАМИ АНА ШУ ҒОЯ АСОСИДА КЕНГ НИШОНЛанади.

◀1 Мамлакатимиз мустақиллигининг улкан сиёсий, тарихий ва маънавий-маърифий аҳамиятини инобатга олиб, истиқлол йўлининг асосий мақсад ҳамда вазифаларини янги босқичда очишмай, самарали давом эттириш, бу қўтлуг санани давлатимиз ва жамиятимизнинг бугунги тараққиёт даражаси, халқаро майдондаги обрў-эътиборига муносиб юксак савияда, умумхалқ байрами сифатида кенг нишонлаш мақсадида Президентимизнинг “Ўзбекистон Республикаси давлат мустақиллигининг ўттиз йиллик байрамига тайёргарлик кўриш ва уни юқори савияда ўтказиш тўғрисида”ги қарори қабул қилинди.

Ушбу тарихий ҳужжатда белгиланган чора-тадбирлар юртношларимизга катта қувонч ва фахр-ифтихор бахш этди. Буни уларнинг қуйидаги фикр-мулоҳазаларидан ҳам билиш мумкин.

Энахон СИДДИКОВА, Ўзбекистон халқ шоири, Олий Мажлис Сенати аъзоси:
— Улуғ мақсадларга, улуғ орзуларга олиштирадиган мустақиллик байраимизининг 30 йиллигини қутли олиш тўғрисидаги ушбу қарор тои маънодаги тарихий ҳужжат бўлди, деб ўйлайман. Унда халқимизнинг юрагига қувват ҳамда қудрат берадиган эзгу ғоялар ўз ифодасини топади.

Бугун Ўзбекистон дунёда замонавий, очик, демократик давлат сифатида ўзини намён ётляпти. Шундай пайтда ҳаммамиз ҳамжиҳат бўлиб, истиқлолимизнинг улуғ байрамига тайёргарлик кўриш ва уни ўтказиш жараёнларига ўз ҳиссамизни қўша олишимиз лозим.

Кейинги йилларда Президентимиз томонидан амалга оширилган кенг қўламли ислохотлар натижасида одамларимиз онгу тафаккурида янгилашши рўй берди. Сўз ва фикр эркинлигининг таъминланаётгани, инсон ҳуқуқларининг олий қадрияти даражасида олиб чиқилгани бу борадаги ишларда мустаҳкам пойдевор бўлиб хизмат қилмоқда. Мамлакатимизда суд-ҳуқуқ соҳасида, ҳуқуқ-тартибот идораларини ислоҳ қилиш йўналишида ва фуқаролар манфаатларини таъминлаш борасида эришилган натижалар бугунги кунда бутун дунёда акс садо берапти.

Минхужиддин МИРЗО, Республика Маънавият ва маърифат маркази раҳбари, Олий Мажлис Сенати аъзоси:
— Қарорда белгиланган кенг қўламадаги маънавий-маърифий тадбирлар моҳиятида халқимиз унун, Ватанимиз унун мустақуллик аталмиш улуғ неъматнинг маҳсуллари ўз ифодасини топади.

Албатта, бу каби ишлар янги Ўзбекистон ёшларини мустақилликнинг нафакат қадрига етувчи, балки уни асрашга бутун вужуди билан интиладиган, Ватанимиз номуси, тараққиёти у-ун

хизмат қиладиган инсонлар бўлиб вояга етишлари учун катта бир мактаб вазифасини ўтайди.

Яна бир муҳим жиҳати, бу каби тадбирлар бугун барча соҳага кириб келаётган истеъдодли ёшларимизнинг янги-янги қираларини очишда ҳам муҳим ўрин тутади.

Ёдгор САЪДИЕВ, Ўзбек Миллий академик драма театри директори, Ўзбекистон халқ артисти:

— Қарорда истиқлолимизнинг муҳташам маҳорати ва моҳиятига муносиб қўлаба тадбирлар белгиланган. Жумладан, пойтахтимизда “Истиқлол” мажмуаси ташкил этилиб, у ерда мустақиллик йилларида амалга оширилган ишлар ва қўлга кирилган ютуқларимизни акс эттирадиган ёдгорлик композицияси барпо этилишини эшитиб, жуда хурсанд бўлидик.

Кейинги тўрт йилда олиб бориладиган ишларни қаранг. Ўта қисқа бир даврда янги Ўзбекистон бунёд этилмоқда. Бугунги кунда ижодкорларимиз томонидан мана шу буюк ишларда қатнашаётган замонамиз қаҳрамонлари ҳақида асарлар ёзилаётир. Ушбу асарларни театримизда сажналаштириб, юртношларимизга тўхфа етавим.

Ойдин АБДУЛЛАЕВА, Ўзбекистон давлат консерваторияси доценти, Олий Мажлис Қонунчилик палатаси депутаты:

— Мустақиллигимизнинг 30 йиллик байрами юртношларимиз қалбида, онгу шурудида унутилмас хотиралар қолдиришига ишончимиз қомил. Бинобарин, қарорда белгиланганидек 2021 йилда юртимизда ўтказилиши режалаштирилган барча халқаро маданий-маърифий тадбирлар, спорт мусобақалари, илмий конференциялар, аждошларимиз юбилей саналари мустақилликнинг ўттиз йиллиги ғояси ҳамда руҳи билан уйғун ва ҳалоҳанг ҳолда ташкил этиладди.

Сенатнинг ялпи мажлиси олдидан

ҚОНУНГА ҚАНДАЙ
ТУЗАТИШЛАР КИРИТИЛЯПТИ?

Юртимизда тизимлаштирилган қонунчилик базасини шакллантириш, норматив-ҳуқуқий ҳужжатларнинг сифатини ошириш, амалга оширилаётган ислохотларнинг ҳуқуқий жиҳатдан таъминланишини такомиллаштиришга қаратилган кенг қўламли ишлар амалга оширилаётганига қарамасдан, ҳуқуқни қўлаш амалиётида муаммолар борлиги сир эмас.

Амалдаги қонунчиликда норматив-ҳуқуқий ҳужжатларнинг турлари ва ўзаро нисбати, норматив-ҳуқуқий ҳужжатларни тайёрлаш тартибига ва улар мазмунига қўйиладиган асосий талаблар ҳамда уларнинг ижросини ташкил этишни таъминлаш билан боғлиқ бўлган масалалар тўлиқ қамраб олинмаган. Масалан, норма ижодкорлиги фаолиятининг асосий принциплари, норматив-ҳуқуқий ҳужжатлар лойиҳаларини келишиш масалалари, ҳуқуқий, жумладан, коррупцияга қарши экспертиза ўтказилиши, мuddати ҳамда бошқа жиҳатлар ёритиб берилмаган.

Олий Мажлис Сенатининг ўнинчи ялпи мажлисида муҳокама этилиши режалаштирилган янги тахрирдаги “Норматив-ҳуқуқий ҳужжатлар тўғрисида”ги қонун ана шу зарурат туфайли ишлаб чиқилди.

Айтиш жоизки, мазкур қонунни тайёрлашда Президентимизнинг 2017 йил 8 сентябрдаги Фармони билан тасдиқланган Ўзбекистон Республикасида Маъмурий ислохотлар концепцияси ҳамда 2018 йил 8 августдаги Фармони билан тасдиқланган Норма ижодкорлиги фаолиятини такомиллаштириш концепциясида белгиланган вазифалар асос бўлиб хизмат қилди.

● норма ижодкорлиги фаолиятининг асосий принциплари белгиланиб, улар кенг ёритиб берилган;

● норматив-ҳуқуқий ҳужжатларнинг турлари ва уларнинг ҳуқуқий тартибига солиш соҳалари ажратилган;

● норматив-ҳуқуқий ҳужжатларнинг Ўзбекистон Республикасининг Ягона интерактив давлат хизматлари порталида муҳокама қилинишининг ҳуқуқий механизми белгиланган;

● норматив-ҳуқуқий ҳужжатлар лойиҳалари ҳуқуқий экспертизаси муҳим элементи сифатида коррупцияга қарши экспертиза тартиби акс эттирилган;

● норматив-ҳуқуқий ҳужжатларни ҳуқуқий эксперимент ўтказиш тартиби инобатга олинган;

● норматив-ҳуқуқий ҳужжатнинг тартибга солиш таъсирини баҳолаш масалаларига алоҳида эътибор қаратилган;

● қонунлар ва қонуности ҳужжатлари лойиҳаларига қўйиладиган алоҳида талаблар ҳам киритилган.

Шунингдек, ушбу қонунда норматив-ҳуқуқий ҳужжатлар лойиҳаларини тайёрлаш учун ташаббус кўрсатиш, норматив-ҳуқуқий ҳужжат лойиҳасини ишлаб чиқиш мuddатлари, лойиҳаларни ҳуқуқий экспертизадан ўтказишда ва норматив-ҳуқуқий ҳужжатлар ижросини ташкил этишда Адлия вазирлиги ваколатлари, норматив-

тутилган чора-тадбирларни амалга ошириш юзасидан Ҳукумат қарорини қабул қилсин.

5. Маданият вазирлиги (О.А.Назарбеков):

а) масъул вазирлик ва идоралар билан биргаликда давлатимиз мустақиллигининг ўттиз йиллигига бағишланган тантанали байрам тадбирларини замонавий технологиялардан фойдаланган ҳолда юқори бадий савияда ўтказиш учун мамлакатимиз ва хориждан малакали мутахассисларни жалб этиш чораларини кўрсин;

б) Олий ва ўрта махус таълим вазирлиги (И.У.Маджидов), Халқ таълими вазирлиги (Ш.Х.Шерматов), Миллатлараро муносабатлар ва хорижий мамлакатлар билан дўстлик алоқалари қўмитаси (Р.Д.Қурбонов), Республика Маънавият ва маърифат маркази (М.М.Ходжиматов) ва Ёзувчилар уюшмаси (С.С.Саидов) билан биргаликда:

Қорақалпоғистон Республикаси, вилоятлар ва Тошкент шаҳрида юртимизда фаолият юритаётган миллий давлатият марказларини кенг жалб этган ҳолда байрам тантаналари ва халқ сайилларини ташкил қилсин;

маданият ва истироҳат боғларида шартнома асосида таниқли санъат намояндалари, бадий ҳаваскорлик жамоалари иштирокида концерт дастурлари намойиш этилишини таъминласин;

кейинги йилларда юртимизда олиб борилаётган маънавий-маърифий ишлар, Ўзбекистоннинг янги тараққиёт даври пойдеворини яратишга бағишланган публицистик мақолалар ва шеърлардан иборат китобни республика бюджети маблағлари ҳисобидан чоп этсин.

6. Ташқи ишлар вазирлиги (А.Х.Камиллов) Маданият вазирлиги (О.А.Назарбеков), “Ўзбекино” Миллий агентлиги (Ф.Ф.Абдухаликов), Бадий академия (А.В.Нуриддинов), Республика Маънавият ва маърифат маркази (М.М.Ходжиматов) билан биргаликда хорижий мамлакатларда давлат мустақиллигининг ўттиз йиллиги муносабати билан кенг жамоатчилик, жумладан, хорижий мамлакатларда яшаётган ватандошларимизни жалб қилган ҳолда “Ўзбекистон қунлари”ни ўтказсин ва унинг доирасида маданий-маърифий тадбирларни амалга оширсин.

7. “Ўзбекино” Миллий агентлиги (Ф.Ф.Абдухаликов) Ўзбекистон Миллий телерадиокомпанияси (А.Ж.Хаджаев), Қорақалпоғистон Республикаси Вазирлар Кенгаши, вилоятлар ва

Тошкент шаҳар ҳокимликлари, манфаатдор вазирлик ва идоралар билан биргаликда:

бир ой мuddатда давлат мустақиллигининг ўттиз йиллик байрами муносабати билан фильмлар яратиш дастурини ишлаб чиқсин ва тасдиқлаш учун Вазирлар Маҳкамасига киритсин;

2021 йил давомида барча туман (шаҳар)лар, қишлоқ ва овулларда, шунингдек, миллий телеканалларда мустақиллик йилларида яратилган энг яхши бадий ва ҳужжатли фильмларнинг кенг намойишини ташкил этсин.

8. Маданият вазирлиги (О.А.Назарбеков) Бадий академия (А.В.Нуриддинов), Ёзувчилар уюшмаси (С.С.Саидов), Журналистлар ижодий уюшмаси (Х.Х.Салимов) ва бошқа манфаатдор ташкилотлар билан биргаликда “Энг улуғ, энг азиз”, “Ранглар жилосида — она диёр”, “Ватан учун яшайлик!” каби аънавий кўрик-танловларни юқори даражада ўтказишни таъминласин.

9. Белгилаб қўйилсинки, ўтказиладиган байрам тадбирлари: Қорақалпоғистон Республикаси ва вилоятларда — тегишли маҳаллий бюджетларнинг қўшимча манбалари ҳамда ҳомилийк хайриялари ҳисобидан;

Тошкент шаҳрида — Республика комиссияси томонидан тасдиқланган харажатлар сметасига мувофиқ республика бюджети ва Тошкент шаҳар маҳаллий бюджети маблағлари ҳисобидан тенг улушларда молиялаштирилади.

10. Ўзбекистон Миллий телерадиокомпанияси (А.Ж.Хаджаев), Ўзбекистон Миллий ахборот агентлиги (А.К.Қўчматов), “Дунё” ахборот агентлиги (С.Л.Суръов) ва бошқа оммавий ахборот воситаларига Ўзбекистон Республикаси давлат мустақиллигининг ўттиз йиллик байрамига тайёргарлик кўриш ва уни ўтказиш бўйича амалга оширилаётган ишларни атрофлича ёритиб бориш тавсия этилсин.

11. Мазкур қарорнинг ижросини назорат қилиш Ўзбекистон Республикаси Бош вазири А.Н.Арипов ва Ўзбекистон Республикаси Президенти Администрацияси раҳбари З.Ш.Низомиддинов зиммасига юклансин.

Ўзбекистон Республикаси	
Президенти	Ш. МИРЗИЁЕВ
Тошкент шаҳри, 2020 йил 17 декабрь	

ЗАМОНАВИЙ
ЛОКОМОТИВЛАР
ОЛИБ КЕЛИНДИ

◀1 2019 йил 30 августда ОТБ билан лойиҳа учун 170 миллион АҚШ доллари миқдорига кредит шартномаси имзоланди. 2019 йил 17 июлда бўлиб ўтган халқаро тендер натижалари бўйича CNTIC-CRRAC-DPLOCO консорциуми билан иккита қузовли 24 та электровози (16 та юк ва 8 та юк-йўловчи) олиб келиш бўйи-



Хосан ПАЙДОЕВ олган суратлар.

ча 134,6 миллион АҚШ доллари миқдорига шартнома имзоланди. Электровозларни шартномага мувофиқ етказиб бериш мuddати 2021-2022 йилларда амалга ошириш белгиланди. Шу билан бирга, “Ўзбекистон темир йўллари” АЖнинг юк электровозларига бўлган эҳтиёжи хисобга олган ҳолда, 2020 йил январь ойда Ўзбекистон Республикаси Молия вазирилиги ва “Ўзбекистон темир йўллари” АЖ билан биргаликда лойиҳага ажратилган суммадан тежаллан 35,37 миллион АҚШ доллари эвазига ОТБга қўшимча 6 та электровоз ва эҳтиёт қисмларни олиб келиш бўйича қўшимча битимни имзоланиши маълумлаш тўғрисида мурожаат қилишди. ОТБ ушбу мурожаатни 2020 йил февраль ойда маъқуллади.

Шу кунларда лойиҳада белгиланган электровозларнинг биринчи партияси, яъни 3 та юк ва битта юк-йўловчи локомотиви ҳамда уларнинг эҳтиёт қисмлари олиб келинди. Яқин кунларда янги

мазкур замонавий юк электровозлари тоғли худудларда 4 минг тонна, текис жойларда эса 6 минг тоннагача юкли вагонларни бемалол торта олади. Ушбу замонавий электровозлар бугундан бошлаб бир ҳафта мобайнида юк вагонларини тортиб, сивовдан ўтказиладди ва сўнгра тўлиқ фойдаланишга топширилади. Таъкидлаш жоизки, бугунги кунда “Ўзбекистон темир йўллари” АЖнинг локомотив паркида мавжуд локомотивларнинг 50 фоиздан ортиги янгиланган.

«Халқ сўзи».

ИСЛОҲОТЛАР МУВАФФАҚИЯТИ
НОРМА ИЖОДКОРЛИГИ ЖАРАЁНИ
СИФАТИГА БОҒЛИҚ

◀1 Президентини “Ўз аҳамиятини йўқотган қонунчилик ҳужжатларини қайта кўриб чиқиш тизимини жорий этиш орқали мамлакатда ишбилармонлик муҳитини яхшилаш чора-тадбирлари тўғрисида”ги Фармони бу борада, айниқса, муҳим аҳамият касб этмоқда.

Унда Олий Мажлис палаталари, Ўзбекистон Республикаси Президенти Администрацияси, Вазирлар Маҳкамаси ҳамда маҳаллий давлат ҳокимияти органларининг индивидуал ва ташкилий хусусиятга эга ҳужжатларини улар томонидан қабул қилинадиган норматив-ҳуқуқий ҳужжатлардан фарқлашнинг аниқ мезонларини қонун даражасида белгиллаш кўзда тутилган. Шу билан бирга, янги тахрирдаги қонун ҳужжатиин қабул қилиш ўрнига янги қонун ҳужжатини қабул қилиш ва бир вақтнинг ўзида амалдаги қонун ҳужжатиини ўз кучини йўқотган, деб топиш амалиётини жорий этиш ҳамда аввал қабул қилинган бундай қонун ҳужжатларини қайта кўриб чиқишни ташкил этиш ҳам назарда тутилган.

Шунингдек, 2021 йил 1 июнга қадар Олий Мажлис палаталарининг амалдаги қарорлари ва маҳаллий давлат ҳокимияти органларининг норматив-ҳуқуқий ҳужжатлари Ўзбекистон Респуб-

Матлуба ҒАНИЕВА,
Олий Мажлис Сенати аъзоси.

тишда шаффофлик, ер уасткаларини
бўлган ҳуқуқларни давлат рўйхатида
ўтказиш кабилар дўлар жумласидан
Янги таҳрирдаги кодекс лойиҳас
бўйича тегишли вазирилик ва идора
лардан фикр ва мулоҳазалар олини
давом этмоқда.

Аъзамжон ТҮЛАБОВ
Олий Мажлис Қонунчилик
палатасининг
Аграр ва сув ҳўжалиги
масалалари қўмитаси аъзоси

